

密陽朴氏二樂堂公派譜序

蓋周官小史之職奠世系序昭穆以掌邦國之治是以國無史焉則國統亂而國不可治家無譜焉則家統亂而家不可治也我密陽之朴自新羅始祖王及後孫僕射公又其脚下有蘭溪菊堂二樂堂三派也往者累修大譜而其間今遽三十有餘年又世變如此諸族散在各處幾至於視之路人豈不痛歎哉不得不收族而收族之策莫如譜然而大譜則事巨費多未能易圖惟以二樂堂公後孫修一派譜則事省而功易也以是僉議歸一乃收單校正以橫緯取其簡易也不幾月功告訖也其詳細節目已非其著世次記官位而誇於人也特以觀其先德遺風益思所以自立也昔方遜志有言曰天下之俗不能自成繇於國之俗國俗之所興繇於一鄉之俗鄉俗之所起繇於一族之俗苟非君子

長者出乎其類而表率之何以保其室家而昌其後哉今我譜之所以修者亦此義也吾宗僉君子必勉旃哉

新羅紀元二千二十六年丁酉仲春下澣

二樂堂公十七世孫喜復謹序

夫天下萬物未有無其本而生居者也故水之千派始於一源木之萬柯本於一根况萬物之中最靈者人也而不知其所自出可乎是故有人必有族有族必有譜者也然後源流明昭穆序親疎分息義篤故必世修者也顧吾朴氏東方巨族三韓甲閱世入麗朝年代玄遠文獻無憑或不可考粵自 僕射公以後十七世祖 大提學文簡公賢孫蘭溪菊堂二樂堂三從兄弟道德文學炳如日星已多前賢撰述後學焉敢復搦筆於其間哉雖然世變如此三派合譜

斷不容易故以 二樂堂公派譜設計是亦派族之慶幸云我距今丁丑迨過
二十星霜死者之邱壟累累生者之兒孫泯泯若不繼錄將何以述先將何以
示後且南北相持萃洩之機將迫當此之時譜系之續修不容自己也永沃星
善僉宗以是創議一以修譜一以敦宗伸其尊祖親親之義也 二樂堂公雲
仍散在一國者可謂其麗不億簪纓文學世世繼彬是所謂根浚者葉必繁源
大者流必遠連綿至今亦莫非先德攸暨也往復無常隆替難齊推古較今前
何以如彼赫赫後何以如此寥寥也豈天意之豐古吝今歟天道至公無私只
在人人之自助如何矣惟我血族互相敦睦視踈切親視遠極近有光榮於祖
先無貽累於後昆則循環之天自應有助美患其今之不如古也我以余不肖
無狀猥被派譜校正之任跋涉各地宗議歸一修譜得至萬全其爲欣幸倘復

何言我譜役告竣之日遠近諸族若使此譜各自侍藏有時一覽生平未面之族恍然若合席討情矣豈不美哉亦非快也哉余是以欣感不可以不文默過故僭綴橫堅烏可以弁卷之敘云乎哉

新羅紀元二千二十六年丁酉仲春下澣

二樂堂公十五世孫來淳謹序

周禮小宗伯之職掌三族之列辨其親疎此後世族譜之始而唐之氏族志亦其意也其有關於國政風俗之義則宋之程張二先生說之備矣則世家之有譜其來久也而東國尤重之自上自公卿下至黎庶未有有姓而無譜者亦有以不知其尊祖悖族之道國之以禮義之美鳴於天下者若數之以一一則未始不指先屈於姓譜矣伏惟吾朴以新羅之天潢流派靈于麗代及至李氏朝

卿相于廟堂儒碩于巖林民庶于閭閻寔繁以昌且麗不億則實濼源之水其
流必長厚根之本且枝必茂之理也豈不誠名門右族也哉惟譜不能大同統
一而分爲派譜者非私於近而疎於遠也元是巨姓勢有所難而然者也然推
而上之歸極于一祖則無異於大譜也且如使各派各譜其派合以聯篇則便
是全譜之大也惟此 二樂堂公派則譜今三增修而發凡定例悉而備文獻
有徵可以承先可以貽後開卷五呂始之古今瞭然於目孝悌之心油然而生敦
目之誼去益以重非徒我一姓之美亦可以謂範世之盛事也經紀來數歲諸
宗侍以余不無其勞故謂可以文志之敢忘僭率略書如右若夫先世之德望
勲業後承之勉旃學行則已有先我而言者故不爲加疊云爾

新羅紀元二千二十六年丁酉仲春下澣

二樂堂公十七世孫喜直謹序

夫有姓則必有族有族則不可無譜也姓族之譜猶國家之史也故國無史則春秋之義有晦姓無譜則昭穆之序不明春秋之義有晦則亂臣賊子無所忌憚昭穆之序不明則孝子慈孫無所繼承故若言其國之尊則必稱歷史之久遠若言其族之盛則必稱姓譜之巨大譜與史大小之分家國之別雖殊其關於世教治道則乃一貫來也豈不重也豈不美也哉古稱姓氏之美者晉之王謝唐之崔盧是已然其富貴衣冠之盛特誇耀於一時而止耳若夫跨歷代而榮于邦家功在社稷澤及生民則亦萬萬乎無聞焉若使有譜而可考據貽謨則何其如是耶東方氏族之貴且盛則莫不以吾朴謂第一始自新羅初代王之苗裔而至于今勲名冠冕才士望入繼繼承承幾二千許年不絕豈其王謝

崔盧之比者裁譜亦累修而粵自中葉族又大昌大繁盈於一國不可以數計亦不可以譜記勢不得不爲各譜各派而此 二樂堂公派譜則今第三回增修也事且不爲不巨故峻發論議費過數星霜而後役告訖終始賢勞則卽我再堂叔淑明氏也叔主以余與有勞焉使爲一文於序之後不敢違命故謹書如是

新羅紀元二千二十六年丁酉仲春下澣

二樂堂公十八世孫秀用謹跋

一世

諱 彥仁

密城大君後孫仕
高麗官壁上三重
大匡門下平章事
尙書左僕射按公
於密城大君不知
爲幾代孫密城大
君則景明王戊寅
分封州郡其後二
百餘年公爲尙書
以此推之其間疑
失七八代

二世

子 璋

官神虎衛保勝郎
將

三世

子 允淳

官都齋庫副使左
右衛長史
配上黨金氏父興威
衛大將軍祐

四世

子 赫公

丙科及第官國學
學錄四所博士詹
事府少尹牛峯郡
副使廣州牧判官
監察御史兵部郎
中

配安州安氏父尙書
奉御璟

五世

子 而溫

初諱之沼官良醞
史令同正岐城兼
通口豐德監務殿
中內給事福源宮
直

配牙州李氏父中郎
將珫

六世

子 純中

一見下

而溫

七世

八世

九世

十世

十一世

密陽朴氏二樂堂公派世譜卷之一